

蘆山縣志卷九

選舉表 科第 封蔭 法團

虞夏闢門籲俊悉歸於忱詢迪知成周論秀書升惟準以德行道藝兩漢則孝廉賢良  
茂才異等不一其途猶是言行並取自隋唐以下多設科目一似專尚藝文者然詞  
章必導源於經史因此而聖賢之微言大義帝王之治法心傳以及名公鉅卿之奏  
疏政蹟莫不講習於平時故一登科第亦能理煩任劇戡亂治平然則選舉之制豈  
可厚非也哉蘆山本居偏隅然農服先疇士食舊德家絃戶誦爭自濯摩自漢迄清  
二千餘年來登賢書而捷南宮者誠足爲一邑光其或敦行績學僅登薦辟與拔萃  
科者又濟濟有徒卽此而言亦爲難能矣民國肇興廣設學校選舉遂停故今僅表  
科第存梗概俾後之欲考蘆邑文風教化者得此亦或有所助焉

蘆山縣志 卷九

科第

科

第

時	代	宋	明
	姓	楊	張
	名	與	斐
	進士	權	
	舉人	衛彥裔	竹全中
	副榜		
	拔貢		
	恩貢		
	歲貢		
	武舉		

楊與權 大觀三年己丑第廿五名進士

衛彥裔 紹興八年戊午進士

竹全中 壬戌明進士雖非正榜似可補入

張斐

楊鼎

永樂二十六年癸卯第一百五十二名舉人

永樂二十一年癸卯第一百五十六名舉人



蘆山縣志

卷九

竹 全見	竹 琦	鮮 冕 佺	胡 映 雲	清 超 祚 亨	白 圭	周 冕	竹 可 高	蘆山縣志	竹 密	竹 春	竹 載 陽	衛 漢 謨	衛 國 琦	程 翔 鳳	程 復 禮	王 芝 賓
雍正十三年 乙卯第十六 名舉人	雍正十三年 甲申第四 十名舉人	康熙五十三 年癸巳恩科 第二十六名	康熙五十三 年己卯第十 十六名舉人	康熙三十五 年丙子第四 十五名舉人				嘉靖九年壬 午第九十二 名舉人				舉人年歲 無考	舉人年歲 無考	崇禎三年庚 午第八十四 名舉人	隆慶四年庚 午第六名舉 人	
							拔貢年歲 無考		拔貢年歲 無考	拔貢年歲 無考	拔貢年歲 無考					
					武舉年歲 無考	武舉年歲 無考										

二



蘆山縣志

卷九

竹全中	乾隆元年丙辰恩科第八名舉人	
竹枝揚	乾隆十五年庚午第三十五名舉人	
竹全任	乾隆十八年癸酉第九名舉人	拔貢年歲無考
竹全志	乾隆三十六年辛卯第七名舉人	
竹為翊	乾隆四十五年庚子第十五名舉人	
竹承基	同治三年甲子第五十五名舉人	
王文澤	乾隆三十五年甲午副榜	
舒應祖	乾隆三十九年甲午副榜	

衛萬詳	乾隆五十七年壬子副榜	
王運通	同治十二年癸酉副榜	
張玉柱	咸豐十一年辛酉科拔貢	
竹錦雯	同治十二年癸酉科拔貢	
陳繼唐	光緒十一年乙酉科拔貢	
周瑞岐	光緒二十三年丁酉拔貢	
陳志道	宣統元年己酉拔貢	
王家煥	宣統元年己酉拔貢	



























李成宗	樂敏元	竹茂修	程世昌	王宣	蘇乾	李鳴玉	樊啟閻
歲貢年歲 無考	歲貢年歲 無考	歲貢年歲 無考	歲貢年歲 無考	康熙二十三年 甲子第二十二 名武舉	康熙二十九年 庚午第十八名 武舉	乾隆二十六年 辛卯第二十七 名武舉	乾隆四十四年 乙亥第三十七 名武舉

高三合

右表所列實為荒陋稽考無從蓋闕如也或謂民國參政議員亦應臚列不知議員雖由選舉而權在人民與昔異制弗能相混或以之列入宜達者義亦未允審其名實不與選舉職官同科用是另列法團於後以備查考

封蔭

衛彥裔 宋高宗時進士浙江嚴州府金華縣知縣陞河南南陽府知府調西路轉運使遷兵部右侍郎資政光祿大夫留守汴梁加封都督府驃騎將軍妻安黃氏誥封恭人賜敕命二道

制曰資爾兵部右侍郎資政光祿大夫衛彥裔勤理五兵參稽九法寓輕表於樽俎聿成偃革之風膺重寄於韜鈴樊舉誥戎之典茲以朝臣歐玄等與爾為汴梁行省留守驃騎將軍尙其謀猷豫整簡閱精嚴功成之日賞賜重頒汝往欽哉

制曰資爾汴梁行省留守驃騎將軍衛彥裔捍禦中原奠安闔內封豕長蛇凜紫電



清霜而遠遯城狐社鼠畏衷胆赤肝而潛消堪稱鎖鑰不愧長城特遣翰林侍講黃潛善視師隨加獎勵尙其永篤忠明倍加防禦務使黃河一帶烟消霧空迄今大江以東塵滌穢靖聊錫紫豹之裘賜上方之劍欽哉

竹 銘 明洪武二十五年實封百戶守禦蘆山縣鹽井詔賜鐵券

詔曰會際貞元類多節烈時當亨泰必樹屏翰咨爾竹銘元汴梁留守竹真之孫成都龍泉衛右衛指揮使竹斌之子派演孤竹永續中子之傳嗣續夜郎不廢施州之祀世既篤於忠貞義應錫夫茅土特實封百戶守禦蘆疆予以鐵券勿謂藐矣山城實爲鎖鑰之寄茲日爰及苗裔毋忘繼序之恩寶朕之命與國同休欽哉

王 忠 明洪武二十五年實封百戶與竹銘同詔

詔曰昔者先王之治天下也必資威武以安黔黎未嘗專修文而不講武朕特例古治設武職以衛治功受斯任者必忠以立身仁以撫衆智以察微防姦禦侮機無暇時能此則榮及前人福延後嗣而身永昌矣敬之勿忽

案舊志作十三年誤也竹氏家譜洪武十三年傅國公平雲南元將竹八原名長子

### 蘆山縣志 卷九

十一

斌舉兵歸附奏封四川成都龍泉衛右衛指揮使斌卒無後八弟信襲職隨誌管侯征松潘麓州等處陣沒從子友亮友亮子昇孫英俱被害復以八季子十二襲征建昌失利降世襲百戶昭信校尉屯新繁右所十二卒子銘襲洪武二十五年壬申特移守禦雅州蘆山縣鹽井所有詔賜鐵券實封百戶作志者據家譜殆譜以竹斌受封之年爲竹銘移守之年也又譜以平雲南在十三年亦誤明史洪武十四年九月命穎川侯傅友德爲征南將軍永昌侯藍玉西平侯沐英爲副將軍帥師征雲南冬十二月傅友德等下曲靖元梁王巴咱爾幹爾密走普寧自殺藍玉沐英遂克雲南十五年春二月藍玉沐英克大理擒土酋股世屬郡悉下雲南平是十三年乃十五年之譌也傅國友德也時爲穎川侯至十七年論平雲南功始進封穎國公

竹 鳳 明成化五年特加行營都督僉事榮祿大夫襲封百戶

張 斐 以廣西道監察御史敕授文林郎

明正德十年賜張斐敕命三道

敕曰咨爾廣西道監察御史張斐膺茲繡衣之任無愧驄馬之風敕授爾文林郎汝



往欽哉母替朝命

敕曰咨爾廣西道監察御史張斐命妻駱氏克相其夫而已早喪特敕授儒人爾其有知服斯榮寵

章益勵節操

竹會陽 以子密貴贈維摩州知州文林郎明萬曆四十四加贈奉直大夫

明萬曆三十九年賜竹密敕命四道

敕曰自昔孝弟力耕之科與明經並重朕思得若人以表彰之况其子用經學顯而鬱爲循吏者哉爾竹會陽乃湖廣寶慶府城步縣知縣竹密之父恬澹性成塵氛習遠逃名鴻隱里慕式廬之風積慶燕貽家承作子之則績已襄而教闡祿不逮而年違是用贈爾爲文林郎湖廣寶慶府城步縣知縣表晦德於彤綸賁幽光於石節

敕曰令衆人之母也性慈是怙而令亦有焉念茲勤勞可無表揚之典以爲民酬令者哉爾劉氏乃湖廣寶慶府城步縣知縣竹密之母沼泚揚苾珩璜秉度佐隱聲諧

蘆山縣志

卷九

十一

於占鳳允文教迪於和熊瞻製錦之成諗爾趨機之自導輿弗逮執器可思是用贈爾爲儒人龍光賁錫於樹萱馬鬣增光乎宿草

敕曰朕按邵陵當荆襄之末垂非得近民之吏綏靜而煦咻之曷嘗有寧宇哉爾湖廣寶慶府城步縣知縣竹密操持峻潔器識宏深筮仕明廷守官茂宰乃能四知飭己秉廉善以矢勤五事宜民酌張弛而成務邑靡谿山之警人獲阡陌之安丕嚶最聲達於聽聞是用授爾階文林郎錫之敕命夫漢世之儒蘊則明經試則循吏其功業赫然何所不可至也尙益篤初忱以厚自樹勉朕且有不次之陟欽哉

敕曰婦人從宦於谿谷之間而能以筭鑰佐政勞旣至矣譽亦彰焉國是以有階榮之典爾湖廣寶慶府城步縣知縣竹密之妻鄭氏賦性柔嘉禔躬端慎杼機佐下幃之業蕢藻揚中饋之芬迺服縞以從官爰鳴琴而贊治愷悌之績爾實襄之是用封爾爲儒人祗迓象服之休益效燕私之儆

明萬曆四十四年賜竹密誥命四道

制曰朕嘉人臣敬事之忠而曲體其顯親之志於是崇共禰廟賁以綸章廣孝勸忠



乎在爾贈文林郎湖廣寶慶府城步縣知縣竹會陽乃原任雲南廣西府維摩州知州竹密之父敦倫樂善扶義好施孝友著於鄉評義方衍爲庭訓爾子服官州牧蔚有能聲爾之明德遠矣是用加贈爾爲雲南廣西府維摩州知州龍章歆再荷之榮馬鬣衍無疆之慶

制曰孝子之於慈母也念其夙劬故執器則慕列鼎則悲匪籍寵綸而風本之憾何能釋矣爾贈儒人劉氏乃原任廣西府維摩州知州竹密之母稟訓矜襁揚芳沼泚餐饋必恪雅追桓汲遺風簪珥曾捐不異柳丸懿範爾子四履宜勞繇爾三遷啓祚宜申國寵以表家祥茲用加贈爾爲宜人揚顯號於萱庭慰慈靈於蒿里

制曰州長吏號親民而滇南諸郡去神京萬餘里望澤難霑非得賢守牧誰與任宅生之寄苟有善政簡在朕心爾原任雲南廣西府維摩州知州竹密才優幹濟志勵清修貢籍蜚英花封展采爰從民譽晉綰州符而爾滿腔推誠惟崇愷悌之實凡百振刷力求安集之方節比懸魚譽騰樓鳳萌黎安堵夷俗響風所司以最績上聞是用授爾階奉直大夫錫之誥命夫便文之吏日偷悃忱之吏歲計爾既歷試有效矣

### 蘆山縣志

### 卷九

十三

其式敷民德永肩一心以稱朕子惠元元之意惟予嘉汝欽哉

制曰滇池屬在天末而婦人周旋以從官蓋其勞也矧內德之美有光於士業者哉爾任雲南廣西府維摩州知州竹密妻封儒人鄭氏女誠夙閑壺儀允迪佐績而篝燈有耿績饋而餐殮孔明爰宣譽於中閨肆贊績於南服睠此鳴琴之化式惟贈佩之音是用加封爾爲宜人祇迓鸞書增修燕徽

明萬歷四十五年賜湖廣楚府長史攝鎮國將軍竹密敕命

皇帝敕爾竹密楚藩封建實本太祖雲夢塗泥衡陽阻塞維翰南國是式今者樊山喬顏蘆洲梓折藐茲幼王甫膺重寄長史之職藩封師保護導難辭功罪惟均且風慄以悍氣銳以剛矯枉繩直責有攸歸凡王敕開載應行事宜勘查欽遵照例一體奉行封疆大臣蕩檢踰閑爾宜代王奏聞竊發小醜延蔓影著爾宜協同剿滅中外衛尉共諗守法水陸界予恪嚴其程毋多養孳畜擾我民生毋不時田獵敗我禾稼多方開導因時啓沃口使永保金甌長荷帶礪嗚呼江都有仲舒之賢而驕勇之氣賴以化淮陽得汲黯之重而清寧之風因以成爾其恪遵朕命毋忽



明萬曆四十六年賜竹密詔

詔曰爾前授奉直大夫今湖廣布政司參政道僉事暫假廣西六越駐鎮府行營都司竹密值士官無何普明藐抗王章勳勞天討爾能潛謀擒剿歸獻罪俘一紙勝十萬之師三捷懋九重之意使南服有慶西顧無憂特錫獎詔進爾階朝列大夫用酬爾勳欽哉

陳訓 以子萬策書明崇禎四年敕贈姚安軍民府通判承德郎

明崇禎四年賜陳萬策敕命四道

敕曰夫士不論起家而能宣教誨又能使其子克守一經服官以贊股肱郡為理者朕亦有賴焉乃未沾顯命良用惻然爾原任蜀府教授致仕陳訓乃雲南姚安軍民府通判萬策之父積學盛年累冠多士風雲有待得桑林之好音時命不齊就泮水而拔雋攜贈言之僕酒登瑞采之饌堂四地名師知問字者聲重暮月設教見獎激者文盈乃桃徑既成鯉庭獨切乞身教子意猶美於尊壚家塾官碑人皆感於風露良猷未竟盡在來茲是用覃恩贈爾為雲南姚安軍民府通判承郎綸緯映於舊甍

蘆山縣志 卷九

松楸永其新服

敕曰婦人事夫貞勤佐讀而卒跋涉寒官卒勉其子於有成不得身享之者朕至憫焉爾王氏乃姚安軍民府通判萬策之母毓秀名門推揚女史少知卻鮓從其父以服官長而宜勸其夫以遠志事堂上以明發孝德可風教膝下以邁征母儀斯美鹿門宜遂長隱鶴野已奏高音茲用贈爾為儒人遲就養之潘車永沾恩乎梁案  
敕曰郡吏親民詎易遣哉朕子黎元良慎重推選即塗轍不一意每重經明行修之士以其鑑古禔躬中無濡染不至賸民以生也矧能以詔聲著者乎爾雲南姚安軍民府通判陳萬策高標峻宇寔意濟襄事上治民盡出早歲之經笥割庖代俎尤見救時之藥囊既煇聲於黃堂復宣勞於赤檄新猶獨鬱不煩長吏問權酷夙弊盡釐無使姦胥成雀鼠披不疲之秦鏡幽影畢形照迅括之吳鉤盤錯立解才餘游刃譽重如璋茲以覃恩授爾階承德郎錫之敕命夫佐政之難矜肘苦於不調犬牙易於相壓爾勤心撫字裕國之能已見矣尙其靖虔爾位朕嗣有後命  
敕曰臣子博一命佐黃堂之理古以琴瑟方之治道必內有佐之者乃可一其心以



及公非僅閨美侈談已也爾雲南姚安軍民府通判陳萬策妻田氏靜莊植性淑慎  
· 視題名伐毓根以推布爲蓄德華撫結悅如矜輦之告箴視政雞鳴續前人之旦火  
觀祥鵠下待君子以宵征懷恪敬於閨庭瞻宣勞於良吏茲封爾爲儒人既渙綸以  
從貴益警枕以襄勤

竹節 以破寇功明萬曆四十五年詔加行軍司馬定國將軍

按右護軍實封武德將軍百戶如故

明萬曆四十五年獎竹節詔

詔曰汗馬之功古今所重平賊之力才智爲先爾武德將軍守禦蘆山百戶竹節邊  
卒禱判會之壘孤旅殲堅壁之鋒關河霧塞壯士氣於石門洞塞雲連振軍威於松  
嶺經略摺奏侍臣抉勳權假先鋒之任勦爾效忠之心加以行軍司馬定國將軍右  
護軍實封如故尙其摩厲以須早奏乃績欽哉

竹錫齡 以子瑄賞清乾隆二年覃恩敕贈修職佐郎

清乾隆二年賜竹瑄父母敕命二道

### 蘆山縣志

#### 卷九

十五

制曰設官分職昭器使之無遺錫類施仁嘉蒙恩於伊始爾竹錫齡乃四川潼川府  
三台縣訓導竹瑄之父秉心淳樸飭行端方教誨敦式穀之勤政事本貽謀之善茲  
以覃恩貶贈爾爲修職佐郎四川潼川府三台縣訓導錫之敕命於戲一命得以逮  
親遂膺曠典庶政期於稱職篤迓休光

制曰登皇路以馳驅忠原本孝入庭幃而侍養嚴必兼慈爾四川潼川府三台縣訓  
導竹瑄之母袁氏性本和柔飭矜輦於闈內教惟勤慎紆章服於庭前茲以覃恩貶  
贈爲八品儒人於戲所親邀優渥之恩勉思撫字有子效靖共之誼永表徽音

竹芟 以字全中貴清乾隆十六年覃恩敕贈修職郎

清乾隆十六年賜全中父母敕命二道

制曰任使需才稱職志在官之美馳驅奏效報功膺錫類之仁爾竹芟乃四川成都  
府金堂縣教諭引見授山東東昌府館陶縣知縣竹全中之父雅尙素風長迎善氣  
功治克勤於庭訓箕裘不裕夫家聲茲以覃恩貶贈爾爲修職郎錫之敕命於戲肇  
顯揚之盛事國典非私酬燕翼之深情臣心彌勵



制曰奉職無愆獎著勤勞之績致身有道宜酬鞠育之恩爾四川成都府金堂縣教諭引見授山東東昌府館陶縣知縣竹全之母張氏淑範宜家令儀昌後早喪夫而教子俾移孝以作忠茲以覃恩賚贈封爲八品儒人於戲賁象服之端嚴誕膺鉅典錫龍章於渙汗永播徽音

駱良選 以子萬成貴清咸豐十年覃恩贈爲武略騎尉

清咸豐十年賜駱萬成救命四道

制曰寵綏國爵式嘉闕閔之勞蔚起門風用表庭闈之訓爾駱良選乃四川太平營千總駱萬成之父義方敢後毅似光前積善在躬樹良型于弓冶克家有子拓令緒於韜鈴茲以覃恩贈爾爲武騎尉錫之救命於戲錫策府之徽章洵承恩澤荷天家之休命允賁泉壤

制曰怙恃同恩人子勤思於將母赴桓著績王朝錫類以榮親爾黃氏迺四川太平營千總駱萬成之母七誠嫻明三遷勤篤令儀不忒早流珩璫之聲慈教有成果見干城之器茲以覃恩贈爾爲安人於戲錫龍綸而煥采用答劬勞被象服以承麻允

### 蘆山縣志

### 卷九

十六

光泉壤

制曰國恩覃布尙動鼙鼓之思武備勤修允重干城之選爾四川太平營千總駱萬成才勇著聞韜略嫻習戎行整飭具知士卒無譁軍政修明因見附循有素欣逢慶典宜煥溫綸茲以覃恩授爾爲武略騎尉錫之救命於戲錫策府之勳名祗承休命荷天家之光寵勿替成勞

制曰策府疏勳甄武臣之茂績寢門治業闡賢助之微音爾四川太平營千總駱萬成之妻文氏毓質名閨作嬪古族擢蘋采藻夙彰宜室之風說禮敦詩具見同心之雅茲以覃恩封爾爲安人於戲錫龍章於闈闈惠澤旁流荷嘉獎於絲綸芳聲彌邵駱際泰 以子志道貴清同治三年誥爲朝議大夫

清同治三年賜駱志道救命四道

制曰任使需才稱職志在官之美馳驅奏效報功膺錫類之仁爾駱際泰乃候選訓導保舉選缺後以州判儘先用五品頂戴加二級駱志道之父雅尙素風長迎善氣弓冶克勤於庭訓箕裘丕裕夫家聲茲以爾子克襄王事贈爾爲朝儀大夫錫之誥



命於戲荷龍光之寵錫國典非私酬燕翼之深情臣心彌勵

制曰奉職無愆懋著勤勞之績致身有自宜酬鞠育之恩爾程氏迺候選訓導保舉選缺後以州判儘先選用五品頂戴加二級駱志道之母淑範宜家令儀昌後早相夫而教子能移孝以作忠茲以爾子克襄王事贈爾爲恭人於戲賁象服之端嚴誕膺鉅典錫龍章之渙汗用表榮施

制曰廣學校以儲才實資設教任師儒而造士尤貴和衷爾候選訓導保舉選缺後以州判儘先選用五品頂戴加二級駱志道共襄樂育克佐甄陶訓諭諸生人品每期其整飭導揚雅化文風常勉以振興茲以爾克襄王事授爾爲朝儀大夫錫之誥命於戲贊啓迪以無慙嘉賢能而用勸欽茲寵命勵乃官方

制曰恪共奉職良臣既殫於心貞順宜家淑女爰從其貴爾選訓導保選缺後以州判儘先選用五品頂戴加二級駱志道之妻程氏含章協德令儀夙著於閨闈黽勉同心內治相成於夙夜茲以爾夫克襄王事贈爾爲恭人於戲口口載煥用褒敬戒之勤翟服欽承益勵柔嘉之則

### 蘆山縣志

### 卷九

十七

駱志敏 以子家驥貴清光緒二十二年救贈修職郎

樊啓榮 以兄啟閻從征金川陣亡無子承襲雲騎尉世職

程宏業 以父某廩生從征陣亡承襲雲騎尉世職

#### 法團

縣參事會 清宣統二年成立民國五年裁廢

縣議事會 清宣統二年成立民國五年裁廢

縣黨部 民國十四年成立設執監兩會十七年軍行登記設指導委員三人

教育會 民國元年成立

農會 民國元年成立

商會 民國元年成立

工會 民國元年成立

財務委員會 民國二十五年成立初名地方稅收支所權改爲財務局現奉令併入縣府始改今名

抗戰後援會 民國二十八年成立



動員委員會 民國二十八年成立

兵役協會 民國二十八年成立

禁煙委員會 民國二十七年成立

新生活運動促進會 民國二十四年成立

義務教育委員會 民國二十七年成立

蘆山縣志 卷九